



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1431. usque ad annum 1441

Fleury, Claude

August. Vind. [u.a.], 1768

VD18 90118316

§. 56. Avenionensis urbis alienatio Pontifici a Concilio interdicta.

[urn:nbn:de:hbz:466:1-66426](https://nbn-resolving.org/urn:nbn:de:hbz:466:1-66426)

Sæcul. XV.

§. LV.

A.C. 1437.

*Sessio vigesima septima Basileensium.*Labbe Conc.
tom. 12. p.

585.

Vid. l. CVI.

§. XVIII &

CVII. § V.

Ergo Basileenses Pontificis auctoritate iniquius ferentes, eandemque repere meditates, Feria quinta, quæ erit vigesima septima Septembris, sessionem vigesimam celebrant, cujus primo decreto Vitelli, seu Vitellesci promotionem, & ceteras omnes per Eugenium factas, & forte contra sessionis quartæ & vigesimæ tertię decreta attentandas irritas declarant, eoquod in primo decreto Synodus Pontifici absque consensu Concilii Cardinales creare prohibuisset; in altero vero numerum Cardinalium ad solos viginti quatuor extendendum decrevisset. Alii ad huc condidere decretum, quo condempnarunt Literas, in quibus Archiepiscopus Tarentinus a Concilii Basileensis Patribus urbes Florentiam, vel Utinum in Foro pro concludenda Græcorum cum Latinorum unione nominatas supposuerat; hinc Basileensis Synodus declarabat, falsas esse ejusmodi Bullas, nec eis ullam fidem adhibendam, nec ipsis esse utendum sub poena anathematis ipso facto incurrendi.

§. LVI.

Avenionensis urbis alienatio Pontifici Concilio interdicta.

Quoniam rumores Basileæ increbuerant

rant, quod Eugenius sub obtentu Græ-
 cis opem ferendi, Avenionem vendere
 meditaretur (*) Synodus, ut antiquo-
 rum Canonum, Patrumque traditionem,
 qua omnis bonorum Ecclesiasticorum alie-
 natio prohibetur, sequeretur, tertio etiam
 decreto interdixit, *ne quicquam terrarum,
 & possessionum, quæ Romanæ Ecclesiæ in su-
 stentationem summi Pontificis, & ministro-
 rum suorum dedicatæ sunt, alienetur: mi-
 nus vero illa præsertim loca, in quibus ne-
 cessitatis tempore libere valeat Romanus Pon-
 tifex cum sua curia commorari, inter quæ non
 infima est Avenionensis civitas, ubi nullus
 sæcularis potestatis metus exterret.* Hujus
 ergo urbis venditionem Basileenses quam
 severissime prohibebant, ipsamque civita-
 tem in suam protectionem suscipiebant,
 cum hæc se semper Ecclesiæ addictissi-
 mam, juxta ac fidelissimam in unione
 Græcorum exhibuisset. Ad hunc annum
 Spondanus refert epistolam, qua Basi-
 leenses Sigismundo Imperatori significa-
 bant, se Eugenio Papæ, quod Græco-
 rum

Sæcul. XV.
 A.C. 1437.

Labbe Conc.
 tom. 12. p.
 588.

(*) Hanc calumniam Basileenses Eugenio ex
 vana suspitione, ac repugnandi libidine affuge-
 bant, idque Pontificem ideo facturum credebant,
 ne Antipapa, quem Eugenio opponere meditaban-
 tur, illam urbem occupare posset. Ita Odoricus
 Raynaldus ad hunc annum num. 17.

Sæcul. XV.
A. C. 1437.

Spond. n. 6.

rum adventum interturbaret, diem dixisse, eumque in iudicium vocasse, ac proin a se Sacram Cæsaream Majestatem exorari, ut sua auctoritate Synodum tuetur. Imperator vero, ut narrat idem Scriptor, hac super re datis ad Synodum literis, quæ absoluta Sessione afferebantur, respondit, quod moleste admodum ejusmodi dissensiones percipiat, ideoque Basileenses hortetur, ut sedulo caverent, ne dum Græcos ad unionem vocarent, majori scissione Latinos dividerent; Abrumpant igitur iudicii acta adversus Eugenium, ac potius illorum Regum, & Principum, quorum opem implorassent, consilia omnino sequantur; alioquin se cum ceteris Principibus Eugenio nunquam defuturum scirent. Hæc epistola in actis Concilii desideratur, quibus tamen cum ceteris pluribus in favorem Eugenii Papæ scriptis inseri debuisset (*).

§. LVII.

(*) Haud ignorare debuisset Continuator noster, Spondanum hanc epistolam non ex proprio suo cerebro, sed ex actis Synodi Patricianis retulisse; ipsum quoque Eugenium de Sigismundi Cæsaris indignatione in sua Bulla mentionem fecisse. Vide supra §. LIII.

§. LVII.

Sæcul. XV.

A. C. 1437.

Sessio XXVIII. Basileensis Synodi.

Basileenses his minime territi ea, qua
 cæperant via, pergentes iudicii acta
 prosequerantur, atque cum elapso sexa-
 ginta dierum termino nec Pontifex, nec
 ejus nomine alius compareret, prima
 Octobris, quæ erat feria tertia, Sessio-
 nem vigesimam octavam ea, qua pote-
 rant, solemnitate celebrabant, Episcopo
 Vicensi Missam de Spiritu sancto cantan-
 te, ac Præsidis munus obeunte. Inter-
 erant quoque non pauci Præfules, mitris
 ac Pontificio habitu insignes. Cum ergo
 Eugenius nec ipsemet ad Synodum venif-
 set, nec nomine suo Procuratorem, licet
 impense rogatus, misisset, Promotores
 Synodi petierunt, ut Eugenius contu-
 max declaretur, hinc illico in eum lata est
 sententia his verbis concepta.

§. LVIII.

*Eugenius Papa a Basileensibus contu-
max declaratus.*

Sancta Synodus Basileensis in Spiritu sancto
 legitime congregata, universalem Eccle-
 siam representans decernit, declarat, & re-
 putat dictum Dominum Eugenium legitime
 citatum, sufficienterque expectatum, fuisse &
 esse contumacem, & ejus absentia non obstan-

te